



www.BibleForChildren.org

Masayo 1




Muna umwezi wa sita wa wimo wa Elizabeti, Mulungu kamtuma msenga wa kuulanga yoyatangigwe Gabuliyeli yahite kudibululu doditangigwa Nazaleti muna iisi ya Galilaya. Keza na usenga kwa mwali imwe mhambe yoyatangigwe Maliya. Imwali iyo kalondeka kufudikiligwa na mbwanga imwe yoyatangigwe Yosefu wa lukolo Iwa Mfalume Daudi.



Mbali msenga wa kuulanga ija kamulongela, “Maliya, sekeudumbe! Mana Mulungu kakulagusa unovu wake. Kwizapata wimo, na kwizakweleka mwana wa chilume, nayo kwizamtanga Yesu. Nayo kezakuwa mkulu, kezatangigwa Mwana wa yeli Uchanyha Ng'hani. Na Mndewa Mulungu kezamtenda yawe Mfalume, fana Daudi wasaho yake viyakalile. Kezakuwa Mfalume wa lukolo lwa

Yakobo siku zose, ufalume wake hawizakuwa na uhelelo bule!”



Maliya kamuuzza msenga wa kuulanga
ija, “Niye namhambe. Lelo yano
yezadahikaze?” Msenga wa
kuulanga ija kamwidika,
“Muhe Yelile kezakuhulumukila,
na udahi wa Mulungu
yeli Uchanyha Ng'hani
Iwa Mulungu
Iwizakugubika.
Kwa ichimu chino
Mwana Yelile
yodayelekwe

kezatangigwa
Mwana wa
Mulungu.”



Siku chidogo hamwande, Maliya kahita hima
hima mbaka bululu dili muimilima ya Yudeya.
Uko kengila muna ikaye ya Zakaliya,
kamulamsa Elizabeti.


Elizabeti viyahulike
ndamsa ya Maliya,
mwana ching'hele
kakwesa mwiinda yake.

Elizabeti
kamemezigwa Muhe
Yelile nayo kalandula
dizi, kalonga, "Mulungu
kakutemela mate
kufosa wanaake wose,


nayo mwana
yondau-mweleke
katemeligwa mate!"



Kwelekigwa kwake Yesu Chilisito Mulopozi kukala vino,
Maliya mami yake viyakalile
yafudikiligwe na Yosefu,
wang'hali hawanaibandama,
Maliya kawonigwa kana
wimo kwa udahi wa
Muhe Yelile. Kwaviya
Yosefu mwenyewo
kakala munhu goya,
mbali halondile bule
kumwing'ha chinyala Maliya
muumwingi, ivo kalamula
kuubena ufudikilwa
chinyelenyele.



Viyakalile yogesa yayo, msenga wa kuulanga wa Mndewa kamulawilila muna zinzози, kamulongela, “Weye Yosefu, welesi wa Daudi, sekeudumbe kumsola Maliya yawe muke wako, kwaviya kana wimo kwa Muhe Yelile, nayo kezaibasula mwana wa chilume. Na weye kwizamtanga zina jake Yesu, kwaviya kezawalopola wanhu kulawa muna uuhasanyi.”



Yosefu viyalamuke muna zinhongo, kamsola Maliya fana viya msenga wa kuulanga wa Mndewa viyamulongele yatende. Mbali hawaibandame bule mbaka Maliya viyaibasule mwana wa chilume. Na Yosefu kamwing'ha zina Yesu.




Siku ziya, Agusito, Mfalume wa Loma keka lagilizo da kuwalonda wanhu wose wa ufalume wa Loma wapetigwe. Ivo chila munhu kahita muna dibululu jake kwandikigwa zina jake.



Yosefu kalawa bululu da Nazaleti muna iisi ya Galilaya,
kahita bululu da Betelehemu muna iisi ya Yudeya, hanhu
hoyelekigwe Mfalume Daudi.


Yosefu kahita haja kwaviya
kalawa muna
ulukolo Iwa
Daudi. Kahita



kupetigwa hamwe na
mhambe wake Maliya, yoyakalile na wimo.



Viwakalile Betelehemu,
siku ya Maliya kuibasula
ifika.



Nayo kaibasula mwanage chaudele, mwana wa
chilume, kamuyawaza vibwende. Maabaho
kamtambalisa hanhu ha kudila
ng'ombe muna dizizi da
ng'ombe,
kwaviya
hawapatile
bule



hanhu ha kukala muna ikaye
ya wageni.



Kuichuwala habehi na Betelehemu kukala na wadimi
wowakalile wokaliza bumbila da mifugo yawo ichilo.

Msenga wa kuulanga wa Mndewa
kulawa kuulanga

kawalawila,
na utunhizo
wa Mndewa

uwamwemwesela,
nawo wadumba
ng'hani.




Mbali msenga wa kuulanga iyo kawalongela,
“Sekemudumbe! Niwagalila Mbuli Inogile
yondaiwadeng'heleze wanhu wose.

Kwaviya diyelo muna

dibululu
da Daudi
kelekigwa
Mulopozi
wenu, iyo

Chilisito,
Mndewa!”




“Chino chizakuwa chilaguso kumwenu, mwizamuwona mwana ching'hele, kayawazigwa vibwende katambalisigwa hanhu ha kudila iwanyama.”



Hajahaja, bumbila kulu da wasenga wa kuulanga
diiting'hana na mtumigwa ija wa kuulanga,
wamwimbila Mulungu na kulonga, . . .



... “Utunhizo kwa Mulungu yeli uchanyha ng'hani kuulanga, na tindiwalo kwa wanhu weli muna isi yose woyanogeligwe nawo.”



Wasenga wa kuulanga wawo viwabwelile
kuulanga, wadimi wailongela, “Chihite
Betelehemu chikawone icho chochilawilile,
choyachilongele Mndewa.”



Ivo wakimbila hima hima, wawafika Maliya na Yosefu,
na wamuwona ija imwana ching'hele katambalisigwa
hanhu ha kudila iwanyama. Wadimi wawo
viwamuwone imwana ija, wawalongela mbuli
zowalongeligwe na msenga wa kuulanga
kumsonhela imwana ija.






Yesu kavumbuka muna dibululu da Betelehemu muna isi ya Yudeya, chipindi Helode viyakalile mfalume.



Lusita ulo nyamiloto
wa nhondo wafika
Yelusalemu kulawa
ulawilo wa zuwa,
wauza, “Kakulihi
mwana wa



chilume yelekwe yondayawe
mfalume wa Wayahudi? Kwaviya
chiiwona nhondo yake ima ubanzi
wa ulawilo wa zuwa, na cheye
chiza kumtosela.”




Maabaho Helode kawatanga
waja nyamiloto wa nhondo
chinyelenyele waiting'hane,
kalonda yavimanye siku
nhondo ija viwalawilile.
Kawatuma Betelehemu,
kawalongela, “Hiteni
mukamzahile imwana
vinogile. Muhamvika, izoni
munilongele muladi na niye
nimtosele.”



Nawo viwakomeleze kumtegeleza mfalume, wasegela,
na nhondo yowaiwone ubanzi wa ulawilo wa zuwa

iwalongolela mbaka viimile
uchanyha ya hanhu
hayelekigwe imwana ija.
Wengila mnyumba,

wamuwona
imwana hamwe
na mami yake
Maliya,
wamtumbalila
mavindi na
wamtosela.



Wafungula ngama zawo muna ivibindo na wamwing'ha imwana ndolendole zawo, tunu na zahabu, na

mavumba, hamwe na dawa inogile yoitangigwa manemane.


Maabaho wabwela kuna isi iyo kwa nzila imwenga, kwaviya

Mulungu kawazuma

muna zinzози


sekewabwele

kwa Helode.



Viwasegele, msenga wa
kuulanga wa Mndewa
kamulawilila Yosefu muna
zinzози, kamulongela,
“Helode kololela kumkoma
imwana. Ivo inuka na
umsole imwana na mami
yake mukimbilile muna
isi ya Misili. Kaleni uko
mbaka

vondanimulongeleni
musegele.”





Yosefu kalamuka na kamsola imwana na mami yake, kasegela ichilo icho, kahita Misili. Kakala uko mbaka Helode viyadanganike. Itendeka fana viya imbuli yoyalongile Mndewa kwa kufosela mulotezi wake kuwa kweli, “Nimtanga mwanangu

kulawa Misili.”




Helode viyavimanyile kuwa
waja nyamiloto wa nhondo
wowalawile ubanzi wa ulawilo
wa zuwa wamvwizila, kengilwa
na ludoko ng'hani.



Ivo kalava lagilizo kuwa wana
wose umo Betelehemu
wakalile na miyaka midi na
kubwela hasi wakomigwe,
kulawa lusita luja waja nyamiloto
wa nhondo viwalongile inhondo
viiwoneke.






Helode viyadanganike,
msenga wa kuulanga wa
Mndewa kamulawilila Yosefu
muna zinzozu uko Misili.
Kamulongela, “Lamka,
umsole imwana na
mami yake mubwele
kuna isi ya Isilaeli,
kwaviya waja wagezile

kumkoma imwana
wadanganika.”



Mbali Yosefu viyahulike
kuwa Alikelao
kamuhazi tati yake
Helode mfalume wa
Yudeya,



kadumba kuhita uko
kwaviya kazumigwa muna zinzozizi.
Kahita kuna umkowa wa Galilaya.






Kahita na kukala muna
dibululu ditangigwe Nazaleti. Ivo
chiya chilongigwe na walotezi wa Mulungu
chitimiya, “Kezatangigwa Mnazalayo.”



Kwaviya Mulungu kawalonda wanhu wa
isi yose mbaka kamulava Mwanage
nyachende, muladi chila munhu
yoyomtogola sekeyadanganike,
mbali yawe na ugima
wa siku zose.



36



60



Waloma 3:23

kwaviya wanhu wose watenda uhasanyi na
kuhungukiligwa na utunhizo wa Mulungu.

Waloma 6:23

Yombe da uhasanyi ni ifa, mbali chitumetume cha
Mulungu ni ugima wa siku zose muna ukuilumba na
Chilisito Yesu, Mndewa wetu.

Waebulaniya 9:27

Chila munhu kolondeka yadanganike teng'hu,
na maabaho yatagusigwe na Mulungu.



Waefeso 2:8,9

Kwaviya kwa unovu wa Mulungu mukomboligwa kwa nzila ya uhuwilo. Mbuli ino hailawa kumwenu mweye wenyewo, mbali chitumetume cha Mulungu. Wala hailawa kwa sang'hano zenu wenyewo, ivo munhu yoyose sekeyaigode.

Waloma 10:9,10

One uhatogola kwa mulomo wako Yesu ni Mndewa na uhahuwila muna umoyo wako kuwa Mulungu kanzilibula kuwadanganike, kwizakomboligwa. Kwaviya kwa moyo munhu kohuwila na kopetigwa kanoga haulongozi wa Mulungu, na kwa mulomo kotogola na kukomboligwa.



Yohana 3:16,17

Kwaviya Mulungu kawalonda wanhu wa isi yose mbaka kamulava Mwanage nyachende, muladi chila munhu yoyomtogola sekeyadanganike, mbali yawe na ugima wa siku zose. Mulungu hamtumile Mwanage mwiisi yawataguse wanhu muna isi, mbali kamtuma yawakombole.

1 Yohana 5:11-13

Na ukalangama wenyewo uwo uno, Mulungu kaching'ha ugima wa siku zose, na ugima uwo wopatika kwa nzila ya Mwanage. Munhu yoyose yeli na Mwana wa Mulungu kana ugima uwo, munhu yoyose yelibule Mwana wa Mulungu kabule ugima uwo. Nomwandikilani mbuli zino mweye womudihuwila zina da Mwana wa Mulungu muladi muvimanye kuwa muna ugima wa siku zose.



Masayo 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Kwere Bible (cwe) © 2014 Pioneer Bible Translators and
The Word for the World

OT © 2019 Pioneer Bible Translators

<https://www.bible.com/bible/1125/GEN.1.CHING'HWELE>

©2026 Bible for Children, Inc.

www.M1914.org

www.bibleforchildren.org

